



Mariane Paviassen Jensen
Inatsisartunut ilaasortaq
inatsisartut@ina.alla.gl

**Inissiani attartortittakkani ineqarnermut akiliutinik qaffaanissaq pillugu § 37
naapertorlugu apeqquteqaammut 2025-222-mut akissut**

Dato: 19-01-2026
Sagsnr.: 2025 - 26681
ID. nr.: 79577893

Asasara Mariane Paviassen Jensen

Inatsisartut suleriaasianni § 37 naapertorlugu inissiani attartortittakkani ineqarnermut akiliutinik qaffaanissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1:

**Ilumoorpa ukiut ingerlanerini inissiat attartortittakkat akii 75%-imik
qaffanneqalersut?**

Akissut: Inissiani attartortittakkani ineqarnermut akiliutit 75%-inik qaffanneqarsimanerat ilumuunngilaq.

Ukiorpasuit ingerlanerini Namminersorlutik Oqartussat inissiaataanni iluarsaassisarnermi annertuunik, ullumikkut inissiat pitsaassusiinut, attartortut peqqissusiinut aningaasaqarnermullu tamarmiusumut sunniuteqartunik kinguaattooruteqartoqarsimavoq. Iliuuseqartoqanngippat aningaasartuutit amerleqqittussaapput, kinguaariinnullu tulluuttussanut amerlanerungaatsialertussaallutik.

Taamaattumik Naalakkersuisut iluarsaassinermi suliniutinik, siunissamut ungasissumut atuuttussanik tulleriarneqartussanillu, ilaatigut Nunap Karsianit, ilaatigut ineqarnermut akiliutinit maana isertitaasunit illuartsinernillu, kiisalu ineqarnermut akiliutinik naleqqussaajartuaarnernit aningaasalersorneqartussanik aallartitsisimapput.

2027-miit Namminersorlutik Oqartussat inissiaataanni ineqarnermut akiliutinik naleqqusnaanernik, ukiut 15-it ingerlanerini ukiumut 3,8 %-it missaannik qaffaaffiusartussanik atuutsitsisoqalissaaq, kiisalu iluarsaassinerni suliniutit ukiut 20-t ingerlanneqassallutik. Piffissap ikaarsaarfiusup sivilunerunera attartortunut toqqissimatitsisussaavoq piareersarfiusussaallunilu, aammalu iluarsiisarnerit akissaatikinnerpaanut eqquinnginnissaat qulakkeerneqassaaq. Tamatuma peqatigisaanik Naalakkersuisut ineqarnermut tapiissuteqartarnermi aqqissuussinernik naleqqussaanissamut periarfissinneqassapput, taamaallunilu qaffaanerit inoqutigiinnut aningaasaqarnikkut periarfissakinnerpaanut pinngitsoortinneqassapput.

Apequt 2:

Naalackersuisuniit ersarissumik innuttaasut inissanik attartortut ineqarnerup akitsoriartornerata killissaanik aammalu suna pissutigalugu akitsoriartornerannut tunngasunik paasissutissiiffiqineqarniarpat?

A) Taamaappat qaqugu qanutullu tamanna suliariniarneqarpa?

B) Taamaangippat sooq innuttaasut ersarissumik paasitikkumaneqanngillat?


Akissut: Aap. Ineqarnermut akiliutitut naleqqussaanagerusinnaasut aamma qaammatinik pingasunik sioqqutsilluni attartortunut ataasiakkaanut allakkatigut nalunaarutiqineqartassapput, tunngaviusoq aningaasallu ersarissumik allallugit, tak. *inissianik attartortitsisarneq pillugu Inatsisartut peqqussutaanni § 28, imm. 2.*

Naggasiutigalugu ilisimatitsissutigisinnaavara, attartortut innuttaasullu suli iluarsaassinnermi suliniutit, ineqarnermut akiliutitut naleqqussaanerit ineqarnermullu tapiissutit akornanni ataqatigiinnerit pillugit ilisimatinneqartartussaammata. Tassalu 2024-mi aammalu 2025-p aallartinnerani KNR-imi tv-kkut radiukkullu, kiisalu inuit attaveqatigiittarfiisigut annertuumik paasititsiniaasoqartarsimavoq, allakkatigut paasissutissiissutitut ilaqtitsilluni.

Ineqarnermut akiliutitut naleqqussaanerit atuutsinneqalinnginnerini aamma inatsisit malillugit attartortunut ilisimatitsisarnerit saniatigut paasititsiniaanernik annertunerusunik, sionatigut ingerlanneqarsimasut assingit ingerlatsisoqarnissaa naatsorsuutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede